


16.05.2013

Preporuke u smjeru poboljšanja sveukupne situacije



http://www.bpkg.gov.ba/media/images/2013/05/Copy-of-IMG_1941-620x358.jpg
height="358" width="620"/>

Ekonomsko-socijalno vijeće Bosansko-podrinjskog kantona Gora održalo je danas svoju redovnu sjednicu.

Na ovoj sjednici razmatrani su Izvještaj o radu Vlade BPK Gora za 2012. godinu, Izvještaj o izvršenju Budžeta za prva tri mjeseca 2013. godine te mogućnosti unaprijeđenja rada i odnosa ovog Vijeća sa Vladom BPK Gora.

Obzirom da naš kanton u finansijskom smislu dijeli sudbinu cijele Federacije Bosne i Hercegovine, članovi Ekonomsko-socijalnog vijeća su na današnjem zasjedanju razmatrali mogućnosti kako i na koji način poboljšati Budžet Bosansko-podrinjskog kantona. Prema riječima predsjednika Ibra Mašale, to je cilj svih struktura koji su u sastavu Ekonomsko-socijalnog vijeća.

Vidjeli smo da se budžet ne ostvaruje u planiranom obimu, ali trebamo očekivati da će se to nadoknaditi u narednom periodu. Naše preporuke su u smjeru poboljšanja budžeta, a sa druge strane, potrebno je vidjeti da li je raspodjela budžeta u prethodnom periodu bila prema potrebama i socijalnoj pravdi. Situacija u našem kantonu je možda i bolja u odnosu na neke druge sredine, ali sigurno je da može biti puno bolja. Potrebno je da vidimo kako mi možemo svojim sugestijama tome doprinjeti, a to je interes svih u ovoj strukturi - kazao je predsjednik Ekonomsko-socijalnog vijeća BPK Gora Ibro Mašala.

Kada je riječ o plaćama uposlenih na prostoru Bosansko-podrinjskog kantona Gora na današnjoj sjednici rečeno je da će plaće budžetskih korisnika u narednom periodu zavisiti od situacije u Budžetu, dok će plaće uposlenih u realnom sektoru zavisiti od rada firme te uslova na tržištu.

Do kraja zasjedanja, članovi Ekonomsko-socijalnog vijeća razmatrali su Prijedlog Odluke o izmjenama i dopunama Odluke o osnivanju Službe za zapošljavanje BPK Gora.

Izvor: www.bpkg.gov.ba